

Samþykkt fyrir Félagsmálanefnd Grindavíkurbæjar.

1. gr.

Félagsmálanefnd fer með félagsþjónustu- og barnaverndarmál eftir því sem nánar er kveðið á um í lögum og í samþykkt þessari.

2. gr.

Félagsmálanefnd er skipuð fimm fulltrúum og fimm til vara, kosnum af bæjarstjórn. Bæjarstjórn kýs formann og varaformann nefndarinnar. Kjörtímabil hennar er það sama og bæjarstjórnar. Nefndin skal halda gerðabók og skulu fundargerðir hennar sendar bæjarstjórn til staðfestingar. Fundir skulu haldnir að jafnaði einu sinni í mánuði eða eins oft og þurfa þykir. Boða skal til fundar ef meirihluti nefndarmanna fer fram á slíkt. Fulltrúar í Félagsmálanefnd skulu gæta þagmælsku um einkamálefni fólks sem fjallað er um á fundum nefndarinnar. Fulltrúi skal víkja af fundi, og kalla til varamann, tengist hann einstaklingum eða málum, sem fjallað er um í nefndinni, þannig að spillt geti óhlutdrægni hans og valdið tortryggni.

3. gr.

Hlutverk félagsmálanefndar er:

- að gera tillögur til bæjarstjórnar um stefnu í félagsþjónustu og hafa eftirlit með að stefna bæjaryfirvalda á hverjum tíma sé haldin.
- að sinna hlutverki barnaverndarnefndar í samræmi við lög um barnavernd.
- að hafa eftirlit með stofnunum sem vinna að félagsþjónustu, og fylgjast með að þær vinni að settum markmiðum, í samræmi við lög og veiti góða þjónustu.
- að leggja mat á þá félagsþjónustu sem veitt er á vegum bæjarins með tölulegum upplýsingum og könnunum á meðal bæjarbúa. Einnig að fjalla um þær kvartanir sem berast vegna þjónustunnar.
- að hafa eftirlit með jafnréttismálum í stofnunum bæjarins, og fylgjast með að þær fylgi stefnu bæjaryfirvalda í jafnréttismálum og vinni samkvæmt lögum um jafna stöðu og jafnan rétt kvenna og karla.
- að fara yfir tillögur forstöðumanna að fjárhagsáætlun hvers árs hvað varðar þá liði sem falla undir verksvið nefndarinnar og gæta þess í ákvörðunum sínum að halda áætlanir þegar að framkvæmdum kemur.
- að vera bæjarstjórn að öðru leyti til ráðuneytis varðandi félagsþjónustu og jafnréttismál.

4. gr.

Verkefni félagsmálanefndar eru:

- Barnavernd samkvæmt barnaverndarlögum.
- Málefni tengd félagslegri ráðgjöf skv. lögum um félagsþjónustu sveitarfélaga.

- Málefni tengd fjárhagsaðstoð skv. lögum um félagsþjónustu sveitarfélaga.
- Málefni aldraðra, þ.á.m. félagsleg heimaþjónusta, skv. lögum um félagsþjónustu sveitarfélaga og lögum um málefni aldraðra.
- Málefni barna og ungmenna skv. lögum um vernd barna og ungmenna. barnalögum, lögræðislögum og ættleiðingarlögum.
- Málefni unglinga skv. lögum um félagsþjónustu sveitarfélaga.
- Málefni fatlaðs fólks skv. lögum um félagsþjónustu sveitarfélaga og lögum um málefni fatlaðs fólks.
- Að veita leyfi til daggæslu barna í heimahúsum.
- Að hafa heildaryfirsýn yfir dagvistun fyrir börn í sveitarfélaginu og sjá til þess að íbúar geti fengið aðgengilegar upplýsingar um þau mál.
- Húsnæðismál skv. lögum um félagsþjónustu sveitarfélaga. Þar á meðal umsjón með leiguhúsnæði í eigu bæjarins og umsjón með greiðslu húsaleigubóta. sbr.. lög um húsaleigubætur.
- Málefni áfengissjúkra og vímuefnavarnir, sbr. lög um félagsþjónustu sveitarfélaga og áfengislög.
- Málefni atvinnulausra, þ.á.m. málefni tengd atvinnuleysisskráningu og vinnumiðlun, sbr. lög um félagsþjónustu sveitarfélaga og lög um vinnumiðlun.
- Málefni tengd félagslegri heimaþjónustu skv. lögum um félagsþjónustu sveitarfélaga.
- Jafnréttismál eftir því sem nánar er kveðið á um í lögum um jafna stöðu og jafnan rétt kvenna og karla nr. 96/2000.
- Að taka við ábendingum vegna brota á jafnréttislögum.
- Að vera tengiliður við ráðuneyti jafnréttismála og Jafnréttisráð.
- Að vinna að öðrum þeim verkefnum sem bæjarstjórn felur nefndinni á hverjum tíma.

5. gr.

Félags- og skólamálafulltrúi situr fundi nefndarinnar með málfrelsi og tillögurétt. Hann er ráðgjafi nefndarinnar og sér um ritun fundargerða, nema nefndin ákveði annað. Hann undirbýr fundi í samstarfi við formann og framkvæmir ákvarðanir nefndarinnar eftir að bæjarstjórn hefur staðfest þær. Um starfsmannamál fer eftir starfsmannastefnu Grindavíkurbæjar.

6. gr.

Séu ákvæði í lögum eða samstarfssamningum um seturétt aðila utan nefndarinnar, þegar um mál þeim tengd er fjallað, skal gæta þess að þau ákvæði séu uppfyllt. Nefndin skal gæta ákvæða stjórnarsýslulaga við meðferð mála

Nefndin skal gæta ákvæða stjórnarsýslulaga við meðferð mála

Sett með heimild í 57. gr. samþykktar um stjórn Grindavíkurbæjar og fundarskög bæjarstjórnar nr. 805/2011

Samþykkt á 410. fundi bæjarstjórnar Grindavíkurbæjar þann 7. September 2011.